

- Clausum non resonat meum
 Totis noctibus ostium.
 Incesti tamen obsident
 Nostrum limen adulteri.
 15 His necdum videor vetus,
 His multum videor nitens.
 Sed non his resero fores,
 Et conservo tibi fidem.
 Ipsi vero licentius
 20 Conquassant viduam domum,
 Tot fortes quia regium
 Non servant modo lectulum,
 Nec, si sunt vigiles, habent
 Accinctum gladio femur.
 25 O si nunc venias semel!
 Sim fecunda minus licet,
 Noster lectus adhuc tamen
 Sanis fraglat odoribus;
 In quo candida lilya¹
 30 Sunt, et cum violis rosae.
 Cedrinamque retro domum
 Hortus delitiosus est,
 Vernans floribus aereis,
 Exornatus aromatum,
 35 Et pomis redolentibus
 Arbor feta refringitur.
 Nam quamvis glacies furit,
 Non² messis mea friguit,
 Thus, et myrra, crocus, cyprus³,
 40 Nardus, fistula, balsamum;
 Necdum vinea fertilis
 Amisit laticem suum.
 Menbris preterea licet
 Defectis rediet viror,
 45 Cum tu sepe reviseris
 Integre fidei thorum,
 Et fecunda parens novam
 Prolem parturiam tibi.
 Sin vero nec adhuc venis,
 50 Nec sponsam repetis tuam,
 Laetabuntur adulteri,
 Qui matrem miseram premunt
 Infantesque tuos magis
 Confusamque domum premunt'.

1) Met. IV, 355 'candida lilia'.
 'cypri cum nardo'.

2) 'nos' cod.

3) Cant. 4, 13